

Uunga siunnersuut: Ilinniartitaanermut inuussutissarsiutinillu siunnersuisarneq pillugu**Inatsisartut inatsisaata allangortinneqarnera pillugu Inatsisartut inatsisaat**

(Nuna tamakkerlugu ilitersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuinermit piumasaqaatip ikkunnera)

Ilinniartitaanermut, Kultureqarnermut, Timersornermut Ilageeqarnermullu Naalackersuisoq

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap****Siunnersuutip aappasaanneerreqarnerani****ISUMALIUTISSIISUTAA**

Ataatsimiititaliap suliaqarnermi makkuninnga inuttaqarpoq:

Inatsisartunut ilaasortaq Sofia Geisler, Inuit Ataqtigiit, siulittaasoq

Inatsisartunut ilaasortaq Doris Jakobsen Jensen, Siumut, siulittaasup tullia

Inatsisartunut ilaasortaq Mariia Simonsen, Inuit Ataqtigiit

Inatsisartunut ilaasortaq Nivi Olsen, Demokraatit

Inatsisartunut ilaasortaq Mette Arge-Hammeken, Naleraq

UKA2021-imi 7. oktober 2021-mi siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Oqaluuserisassatut siunnersuummi pingaarnertullugu siunertaavoq nalunaarusiami august 2019-imeersumi "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarusiaq) kaammattuuttit atuuttunngortinnissaat.

Nalilersuineq tungavigalugu siunnersuutigineqarpoq nuna tamakkerlugu siunnersuinermit periusissamik ingerlaavartumik ineriartortinneqartumik Naalackersuisut suliaqarnissaannik pisussaaffilerneqassat. Tamassuma saniatigut inatsimmi § 10-mut immikkoortunik nutaanik ilanngussisoqarnissaa siunnersuutigineqarpoq. Immikkoortut taakku kingunerissavaat naammassinninnissamut ilitersuineq pillugu siunnersuinermi tigussaasunik piumasaqaateqalernissaq, ilinniarfiit naammassinninnissamut ilitersuinerannut piumasaqaatinik nalunaarsuinissaq kiisalu ilinniarfiit ilitersuisuinut pitsaassutsikkut piumasaqaateqalernikkut.

Siunnersuutigineqarportaaq siunnersuisarnej pillugu inatsimmi atuuttumi §13 imm. 1 allanngortinneqassasoq taamaalilluni Namminersorlutik Oqartussat ilinniarfiinut aamma atuutilissalluni. Immikkoortumi uani innuttaasut ilinniarsimassutsikkut sulinermilu inissisimanikkut inuit ataasiakkaat tikillugit nalunaarsuisoqarnissaa pineqarpoq, paasissutissallu katersorneqartut nuna tamakkerlugu paasissutissanik katersuivimmi atorneqassallutik. Aalajangersagaq pineqartoq ullutsinni Majoriani siunnersuisarnernut taamaallaat atuutsinneqarpoq.

2. Tusarniaanermi akissutit

Inatsisartut siulittaasoqarfiata maleruagassai naapertorlugit tusarniaanermut akissutaasut inatsisissatut siunnersuummut kakkiunneqarput.

Immikkoortut sisamaani tusarniaaffigineqartunik isummersuutit suliamut attuumassuteqartut ataatsimiititaliap ilanngunniarpai; Siunnersuummik ataatsimiititaliap suliarinninnera.

3. Apeqquteqaatit

Immikkoortumik suliaqarnermut atatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ataatsimiititaliamit apeqqutit arlallit akeqqullugit qinnuigineqarpoq. Ataatsimiititaliap apeqqutaasa akissuteqaatillu tassunga atasut assilineri isumaliutissiisummut uunga ilanngussatut kakkiunneqarput. Akissuteqaatit pisariaqartinneqarnerat tunngavigalugu ataatsimiititaliap siunnersuummik suliaqarneranut ilanngunneqarumaarput.

4. Siunnersuummik ataatsimiititaliap suliarinninnera

"Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarnej pillugu maannakkut suliniutinik nalilersuineramik misissuineq" (siunnersuisarnermik suliniutinik nalilersuineq pillugu nalunaarusiaq) august 2019-imeersumi inassuteqataasut ilaannik Naalakkersuisut siunnersuutaat tunngaveqartoq ataatsimiititaliap maluginiarpaa.

4.1 Nalilersuinermi kaammattuutit

Kaammattuutit qulit akornanni marluk Naalakkersuisut siunnersuummi matumani ilanngunniaraat ataatsimiititaliap maluginiarpaa. Inatsisissamut suliat piareersaataasut soorlu aamma kaammattuutaasut sorliit inatsisissatut siunnersuummut ilanngunneqassanerannik Naalakkersuisut nalilersuinerat sukumiisumik suliarineqarsimasutut ataatsimiititaliap nalilerpaa. Inassutini sinneruttuni arfineq pingasuni allaffissornikkut naammassineqarsinnaasut imaluunniit siunnersuinerup siunertamut naleqqunnerusumik aqqissorneratigut naammassineqarsinnaanerat Naalakkersuisut nalilerpaat. Tamanna pillugu Naalakkersuisut naliliinerat ataatsimiititaliamit tatigineqarpoq siunnersuinernullu inatsit sunniuteqarnermini pitsaanerpaamik ineriartornissa pillugu qilanaarluni.

Kaammattuutit ataani allassimasut aallaavigalugit siunnersuut una Naalakkersuisut suliarisimagaat ataatsimiititaliap maluginiarpaa:

1) Ilinniarfiit pisussaaffittut siunnersuinerisa killissaasa aalajangersarneqarnerat

Ilinniarfiit siunnersuinermit malittarisassiorneqarnissaat Naalackersuisut qulakkeerinnissasut kaammattuummik tamassuminnga siunnersorneqarput. Kaammattuummittaaq ilinniarfiit Majoriaqarfinnisut ilinniarsimasunik siunnersorteqarnissaq pisussaaffiginngikkaat.

Kaammattuutit tunngavigalugit siunnersuiusarnermut inatsimmi §10 immikkoortunik pingasunik Naalackersuisut ilasimagaat ataatsimiititaliap maluginiarpa. Immikkoortut taakku ilinniarfiit siunnersuinerisa sunik naammassinnittariaqarneranik malittarisassanik allassimasoqarpoq. Tamakkununnga ilanngunneqarlutik qanoq qaqugulu naammassinninnissamut ilitsersuineq ingerlanneqassanersoq, aamma nikeriarnermut ilitsersuinermit suut qulakkeerneqassanersut ilinniartup ilinniakkamiit ilinniakkamut nuunnerani imaluunniit ilinniarnermiit sulilernermit nikerianerani, aamma naammassinninnissamut inuussutissarsuutinillu ilinniartunut siunnersortaanissamut Naalackersuisut akuerisaannik siunnersuinermit ilinniagaqarsimanermik imaluunniit assingusumik piginnaaneqarnermik qaffasissusilimmik uppersaasinnaaneq piunasaqaataassalluni.

Naammassinninnissamut ilitsersuinermit nikeriarnermut ilitsersuinermit siunnersuisartut ilinniagaqarnissaat piunasaqaataasimanngitsoq ataatsimiititaliap maluginiarpa. Ilinniartup siunnersorneqarnermit pissarsiaa siunnersuinermit iliuuserisap ilisimasanik tunngaveqarnissaa ataatsimiititaliap pingaaruteqartartut isumaqarfigaa, taamaatullu aalajangersakkap ilinniagaqartup siunnersorneqarnermit misigisaanut pingaaruteqartoq ataatsimiititaliap isumaqarluni. Ilinniarfinni siunnersortit suliarfik pitsaasumik ingerlakkaat ataatsimiititaliap qularinngilaa, ilinniagaqarnermilli imaluunniit assingusumik piginnaaneqarnermik qaffasissusilimmik uppersaasinnaanerup, siunnersuinermit iliuuserisamik minnerpaamik tunngaviummik ilisarimasaqarnermik qulakkeernittussaamat ilinniaqarnerup pingaaruteqarnera ataatsimiititaliap tikkuarpa.

2) Nuna tamakkerlugu siunnersuinermit periusissiamik suliaqarneq

Kaammattuutaasoq tunngaveqarpoq nalilersuinerup inerniuliussaani, inerniuliussaap siunnersuisarnerup susasaqarfiani unammilligassarpassuaqarmat ineriartornermik pisariaqartitsisunik, isumalluutigisassalli killeqarlutik. Kaammattuutigineqartorli tassaavoq nuna tamakkerlugu siunnersuinermit periusissiamik suliaqartoqassasoq, taannalu assigiimmik akulikissusilinnik nutarterneqartassasoq aamma Kalaallit Nunaanni Aqutissiuussinermit Ataatsimiititaliamit suliarineqarsinnaasoq.

Inatsimmi aalajangersakkamik Naalackersuisut nuna tamakkerlugu siunnersuinermit periusissiamik suliaqartoqarnissaanik pisussaaffilerneqarneratigut kaammattuutigineqartut ilaat naaperiarfigineqartut ataatsimiititaliap maluginiarpa. Periusissiap nutarterneqarnissaa qanoq akulikitsigisumik pisassanersoq, kiallu suliarissaneraa ersarissumik siunnersuummi

allassimasoqanngitsoq ataatsimiititaliap maluginiarpa. Periusissiap nutartertarnissaa pillugu Naalakkersuisut akipput § 3-mi immikkoortumik nutaamik ikkussisoqassasoq, immikkoortullu siunnersuinermit periutsip pisariaqartitsineq naapertorlugu nutarternissaanut Naalakkersuisut pisussaaffeqartut. Ataatsimiititaliap apeqqutaanut aamma Naalakkersuisut akissuteqarnermini allapput:

*”Tamatumunnga atatillugu naliliisoqarsimavoq isumaqassanngitsoq
pisussaaffiliilluni aalajangersagaliornissaq piffissanut aalajangersimasunut
allannguuteqartitsisarnissamik, pisariaqartitsinermik
takutitsisoqarsinnaanngippat.”*

*”Naalakkersuisut periusissiamik suliaqarnermut atatillugu soqutigisaqartunut aamma
oqaloqatigiissutiginiarpaat pissusissamisuuksanersoq periusissiap
nutarterneqartarnissaanut aalajangersimasunik piffissaliisoqartariaqarnermoq,
assersuutigalugu ukiut marlukkaarumik imaluunniit ukiut pingasukkaarumik.”*

Akissutigineqartoq naammaginartoq ataatsimiititaliaq isumaqarpoq, periusissiallu nutarterneqarnissaanut Naalakkersuisut pisussaaffitsik naammassissagaat naatsorsuutigalugu tamanna pisariaqalissagaluarpas.

Periusissiamik suliaqartussanut tunngatillugu Kalaallit Nunaanni Aqqutissiuussinermit Ataatsimiititaliamit¹ periusissiap suliarineqarnissaanut kaammattuutit Naalakkersuisut malinniarneraat ataatsimiititaliamit apeqqutigineqarpoq. Naalakkersuisut tamanna itigartippaat akillutillu nuna tamakkerlugu siunnersuinermit periussiaq aamma pilersaarutaasoq anguniakkanut ataatsimoorussanut sammiveqartoq, taakku paasinninnerat naapertorlugu periusissiaq aamma suliniutinik iliuutsinilluni kiisalu pilersinniakkanik iliuuserisartakkanillu imaqartariaqartoq periusissiaq tunngavigalugu piviusunngortinneqartussa. Taamaattumik Naalakkersuisut aamma naliliipput:

*”Tamannalu tunuliaqutaralugu nalilernerqarpoq pissusissamisoornerusutut
nunamut tamarmut ilitersuisarnikkut periusissiap suliarineqarnissaa
iliuuserineqartussanut piareersagaasutut, suliassat oqartussaasunit
suliarineqartussat nalunaarsorneqarsimaffiattut, siunnersuisutut sullissisuusunit
pinnani.”*

Naak taamak isummertoqaraluartoq Naalakkersuisut allapput periusissiap

¹ Kalaallit Nunaanni Aqqutissiuussinermit ataatsimiititaliaq siunnersuisoqatigiiffiuvoq siunnersuisarnermut suliaqarnerup ineriartorneranut Naalakkersuisunik siunnersuisartoq § 7 imm. 1 ilinniartitaanermit inuussutissarsiutinillu siunnersuisarneq inatsit naapertorlugu.

suliarineqarneranut Kalaallit Nunaanni Aqutissiuussinermut Ataatsimiititaliaq² peqataatinneqassasoq. Kalaallit Nunaanni Aqutissiuussinermut Ataatsimiititaliamik suliniaqateqatigiiffittut Naalakkersuisunit itigartitsissutigineqavinniginnera naammagisimaarlu ataatsimiititaliaq isumaqarpoq. Siunnersuineramik periusissiap 2022-p naalernerani pissarsiarinissaa atuarnissaalu ataatsimiititaliamit qilanaarineqarpoq.

5. Siunnersuutip aningaasatigut kingunerisassai

Siunnersuutip piviusunngortinneqarnissaanut aningaasatigut kingunerisassai siunnersuummi nalinginnaasumik oqaaseqaatini allaaserineqarput. Siunnersuutip §10 imm. 4-mi aningaasartuuteqartoqassasoq allassimasoqarpoq. Siunnersuisartuni 35-ni ilinniarfinnut 15-inut siammarsimasuni 25-nik artorfeqartoqarpoq ilinniarnissamut inuussutissarsiutinullu ilinniarnernut siunnersuisarnissamut Naalakkersuisunit akuerisaasunik ilinniakkamik ilinniagaqarsimanngitsunik. 25-nik siunnersortinik ilinniartitsineq atuarfimmiinnermut ullormusianut taartaasartut akissarsiaannut aningaasartuutit 875.000 aamma 1.125.000 kr. akornanniissapput. Aningaasartuutit ukiunut tallimanut siammarneqarnissaat naatsorsuutigineqarpoq, siunnersortit 25-t tamarmik ataatsikkut ilinniartinneqartussaangimmata. Taamaalillunilu ukiumut 175.000-it 225.000-illu akornanni aningaasartuuteqartoqartussaalluni.

Maanna ilisimasat tunngavigalugit ataatsimiititaliaq allamik naliliissalluni pissutissaqarsorinngilaq. Ataatsimiititaliap taamaalilluni tatigaa Naalakkersuisut sukumiisumik misissuisimassasut tamassumalu kingunerisaanik aningaasatigut allatigut kinguneqartitsisoqarnissaa pisussatut isiginagu. Siunnersuutaasorli ilimagisamit akerliusumik pisortanut aningaasartuuteqarnerunissamik kinguneqassagaluarpat, aningaasartuutit taakku aningaasaliissutinit pioreersunit matussuserneqassapput, tamassumalu kingunerisaanik pilersaarutaasunik allanik tullerriaarinikkut allanngortitsisoqartariaqassalluni.

6. Ataatsimiititaliap inassuteqaataa

Ataatsimiititaliap isumaqatigiittup siunnersuut akuersissutigineqassasoq inassutigaa.

² Kalaallit Nunaanni Aqutissiuussinermut ataatsimiititaliaq siunnersuisoqatigiiffiuvoq siunnersuisarnermut suliaqarnerup ineriartorneranut Naalakkersuisunik siunnersuisartog § 7 imm. 1 ilinniartitaanermut inuussutissarsiutinullu siunnersuisarneq inatsit naapertorlugu.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappasaaniigassanngortippaa.



Sofia Geisler
Siulittaasoq



Doris Jakobsen Jensen
Siulittaasup tullia



Mariia Simonsen



Nivi Olsen



Mette Arge-Hammeken



Kultureqarnermut, Ilinniartitaanermut, Timersornermut Ilageeqarnermullu Ataatsimiititaliaq

22-10-2021
Sagsnr. 2021 - 1495
Akt nr. 18230879

Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuummut imm. 136-imut atatillugu allakkatigut apeqquteqaatit pillugit

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nanoq.gl

Asakka Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami ilaasortat.

Qujassutigaaqka ataatsimiititaliap apeqquteqaatai ulloq 19. oktober 2021-meersut, ullormut oqaluuserisassamut UKA2021/136-mut, Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuutip suliarineqarneranut atatillugu saqqummiunneqartut.

Tulliuttuni ataatsimiititaliamit apeqqutigineqartut issuartarpakka ataasiakkaarlugit, kingornagullu akissuteqarfigisarlugit.

Nuna tamakkerlugu ilitsersuisarnermi iliuusissanik periusissiorneq:

1. Nalilersuinerup innersuussutaani nr. 10-mi siunnersuutigineqarpoq Nuna Tamakkerlugu Ilitsersuisarfik iliuusissamik periusissamik suliaqassasoq, tamannalu Naalakkersuisunit akuerineqassasoq. Innersuussutigineqartooq Naalakkersuisunit malinniarneqarpa?
 - a. Akissut tunngavilersorneqassasoq kissaatigineqarpoq.

Akissut:

Aallarniutigalugu oqaatigineqassaaq inassutigineqartut imarisaanni pisussaaffik nunamut tamarmut atuuttumik ilitsersuisarnermut periusissiamik suliaqarnissaq qitiummat, annikinnerusumillu sammineqarluni apeqqut periusissiap ingerlatsiviup sorliup pisussaaffiisa iluaniitsinneqarnissaa.

Siunnersuummi aalajangersarneqarpoq nunamut tamarmut atuuttumik ilitsersuisarnermut periusissiamik suliaqarnissaq Naalakkersuisut akisussaaffigaaq. Naalakkersuisut namminneq aalajangersinnaavaat susassaartuni kikkunni periusissiap suliarineqarnissaa. Tamatumunngalu atatillugu Naalakkersuisut aalajangersinnaavaat periusissiap Kalaallit Nunaanni ilitsersuisarneq pillugu Siunnersuisoqatigiinnit suliarineqarnissaa, tak. Kalaallit Nunaanni ilinniartitaanermut inuus-

sutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq.

Ilutigisaanillu oqaatigineqassaaq Kalaallit Nunaanni Ilitsersuisarneq pillugu Siunnersuisoqatigiit Naalakkersuisunut siunnersuisartuummata ilitsersuisarnernik ineriartortitsinissami, tak. ilitsersuisarneq pillugu inatsimmi § 7.

Ilanngullugulu aamma erseqqissarneqassaaq nunami tamarmi ilitsersuisarnermut periusissiasaq pilersaarutaannartut eqqarsaataanngimmat, ataatsimoorusani siunissamut pilersaarutinut atatillugu, tassami periusissiasaq Naalakkersuisut isumaat naapertorlugu ingerlatassani sakkussanillu imaqassaaq, minnerunngitsumillu suliniutissanik aamma iliuusissanik periusissiamik tunngavilimmik piviusunngortinneqartussanik. Tamannalu tunuliaqutaralugu nalilerneqarpoq pissusissamisoornerusut nunamut tamarmut ilitsersuisarnikkut periusissiap sularineqarnissaa iliuuserineqartussanut piareersagaasut, suliassat oqartussaasunit sularineqartussat nalunaarsorneqarsimaffiattut, siunnersuisutut sullissisuusunit pinnani.

Tamanna aamma ilalersorneqarpoq suliassap annertussusiatigut qanoq ittuuneratigullu, nalilersuinermit atatillugu nalunaarusiani oqaatigineqarmat ilitsersuisarnermit atatillugu apeqqutit amerlasuujusut ineriartortitsinissanik pisariaqartitsiviusut, kisiannili nukiit atorineqarsinnaasut killeqartuusut, tamatumalu pisariaqalersikkaa ersarissunik suliassanik suussusilersuinissaq tulleriaarinissarlu ilitsersuisarnermi siunnersuisarnermilu suliassanik. Taamaattumik suliassaq taanna nunamut namminermut qitiusumik oqartussaasunit isumagineqartariaqarpoq, anguniakkat suliniutissallu ingerlaavartumik ullutsinnut siunissatsinnullu unammilligasanut naapertuuttuunissaannik qularnaarisussanik, nunamut tamarmut atuuttunik ilitsersuisarnermi periusissiamik sulariarnermi, isiginiarlugu ilitsersuisarnerup qanoq naammassisaqarfusinnaanissaa tunniussaqaqarnissaalu qitiutillugu.

Naalakkersuisut ilutigisaanik pissusissamisoortutut isigaat Nunamut Tamarmut Ilitsersuisarnikkut Siunnersuisoqatigiit suliari akulerunneqarnissaat, taamalu siunnersuisoqatigiit pitsaassusilersugaasunik ilitsersuisarnermut atatillugu tunniussaqaqarsinnaammata, ilitsersuisarnermik suliniutinik ineriartortitsinerni.

2. Qaqugu 'Nuna Tamakkerlugu Ilitsersuisarfik'-up iliuusissamik periusissaa sularineqassangatinneqarpa?

Akissut:

Nalilerneqarpoq nunamut tamarmut ilitsersuisarnikkut periusissiamik sulariarneq siunnersuutip akuersissutigineqarsimalernerani aallartinneqarumaartoq, naatsorsuutigineqarlunilu suliari naammassineqarumaartut 2022-p naannginnerani.

3. 'Nuna Tamakkerlugu Ilitsersuisarfik'-mi iliuusissamik periusissap sulariarneqarneranik kikkut peqataatinneqassappat?

Akissut:

Pissusissamisoortut soqutigisaqartut naleqquttut susassaqtullu akulerunneqarnissaat nalilerneqarpoq, ilaatigut suliffeqarnermi illuatungeriit ilinniaqartullu kattuffii, kommunit, ilinniartitaanernik ingerlatsiviit aamma nakorsaa-neq. Taakkuupput kattuffiit il.il. Kalaallit Nunaanni Iltersuisarneq pillugu Siunnersuisoqatigiinni ilaasortassanik inassuteqartartut. Iltersuisarnermik Siunnersuisoqatigiit apeqqutip nr. 1-ip akissuteqarfiginerani sulianut akulerunneqarnissaat eqqaaneqartut naatsorsuutigineqarpoq. Naalackersuisut nalilerumaarpat soqutigisaqartunik allanik aamma akulerussisoqarnissaa pissusissamisuussanersoq.

4. Periusissap aalajangersimasumik akulikissuseqartillugu nutartertarneqarnissaa Naalackersuisut pilersaarutigaa?
 - a. Taamaappat, qanoq akulikitsigisumik tamanna pisassava?
 - b. Taamaangippat, sooq taamaattoqassanngila?

Akissut:

Soorlu siunnersuutip nr. 1-ip oqaasertalerneqarnerani ersittoq nunamut tamarmut iltersuisarnikkut periusissiaq ingerlaavartumik nutarterneqartartussaasoq. Nalunaarutigineqartut aalajangersakkamut oqaaseqaatini ilassuserneqarput, tassanilu ersilluni malinnaatitsilluni nutarterisarnermut tunngatillugu apeqqummut tunngaviusoq qanoq annertutigisumik allannguinnissamik, nutarterinissamik iluarsisuteqartarnissanilluunniit iltersuisarnermut periusissiami pisariaqartitsisoqarnera innersuunneqartarumaarnersoq. Tamatumunnga atatillugu naliliisoqarsimavoq isumaqassanngitsoq pisussaaffiliilluni aalajangersagaliornissaaq piffissanut aalajangersimasunut allannguuteqartitsisarnissamik, pisariaqartitsinermik takutitsisoqarsinnaanngippat.

Naalackersuisut periusissiamik suliaqarnermut atatillugu soqutigisaqartunut aamma oqaloqatigiissutiginiarpat pissusissamisuussanersoq periusissiap nutarterneqartarnissaanut aalajangersimasunik piffissaliisoqartariaqarnersoq, assersuutigalugu ukiut marlukkaartumik imaluunniit ukiut pingasukkaartumik.

Aningaasaqarnikkut allaffissornikkullu kingunissat:

5. Siunnersuutip aningaasaqarnikkut allaffissornikkullu kingunissaani takuneqarsinnaavoq siunnersuutip §10 imm. 4-mi aningaasartuuteqartoqassasoq, Ilinniarfiit aqutissiuussisussaminnik ilinniartinneqarneranni aningaasaqarnikkut artukkerneqartutut misigisut Naalackersuisunit aningaasaqarnikkut taperneqassappat, imaluunniit ilinniarfiit ingerlatsinerminni namminneq aningaasartuutissanut misingersuutiminniit taakku aningaasartuutit matussuserneqarniarpat?

Akissut:

Siunnersuummut nalinginnaasunik oqaaseqaatini aningaasaqarnikkut kingunerisassaanut immikkoortumi ersippoq eqqartorneqartumik immikkoortumik 4-mik § 10-mi ilanngussineq piginnaasanut tunngatillugu piumasaqaatinik inunnut Nam-

minersorlutik Oqartussat ilinniartitaanernik ingerlatsiviini ilinniakkamik naammassillugu ingerlatsisartunut aamma ikaarsaartunut ilitsersuinernik suliaqartunut ukiumut 15.000 kr.-ingajannik naleqassasoq, aningaasartuutit tamarmiusut ilinniartitaanernik ingerlatsivinnut 15-iusunut naligiimmik agguaanneqarpata. Tamanna naatsorsorneqarpoq ilitsersuisartunik ukiumut 5-inik ilinniagaqartoqartarnissaanik naatsorsuutigisaqarnermik tunngaveqartumik. Aningaasartuutissat annertussusiannik isiginninnikkut, ilanngullugu isiginiarlugu pineqarmata sulisorisanut tunngasut, pisussaaffinnullu piginnaasani piginnaanngorsaanerit, naatsorsuutigineqarpoq aningaasartuutit taakku aningaasaliissutaareersut iluanni akissaqartineqarumaartut. Tamanna aamma atuuppoq ilinniartitaanernik ingerlatsivimmi ataatsimi ilitsersuisartut arlaqartut ukiumi ataatsimi ilitsersuisartutut ilinniariartornissaata pineqarfigisaani.

Nuna Tamakkerlugu Ilitsersuisarfiup suliaasaanik inissisimaneranillu ersarissaaneq:

6. Siunnersuutip nalinginnaasumik nassuiaatitaani allassimavoq:

"Peqatigisaanik ilanngunneqarsinnaavoq ingerlatsivimmi suliat arlallit ilitsersuisarfiup suliaanut tunngassuteqarsinnaasut katersorneqarnissaat pillugu maannakkut isumaliuteqartoqarmat. Taamaattumik ilitsersuisarfiup inatsisitigut killiffiata maannakkut allanngortinnissaa tulluurtutut isigineqarnani."

(Ataatsimiitaliap ersarissaanera)

Ingerlatsivimmi suliat arlallit suut pineqarnerisut Naalakkersuisunit nassuiaqquneqarput.

Akissut:

Isumaliutaasuni eqqaaneqartuni pineqarput ilinniagaqartunut pissutsini ingerlatsinikkut pisussaaffiit. Tigussaanagerusumik pineqarpoq apeqqut qanoq annertutigisumik ingerlatsiviit pineqartut suliaat ilinniagaqarnersiuteqartitsinermut, ilinniartunut inissanut sullissinerni aamma ilitsersuisarnermut tunngasuni ataatsimoortineqarsinnaaneri.

Inuusuttunik siunnerfigineqartut ornigulluni ilitsersuisarnermut tatiginartumik najoqqutassanut missingiusiaq

7. Inatsisissatut siunnersuutigineqartumi nassuiaammi atuarneqarsinnaavoq ornigulluni ilitsersuisarnermut najoqqutassanik Nalunaarummi aalajangersaasoqassasoq. Nalunaarut qaqugu suliarineqareersimassava atuuttunngortinneqarlunilu?

Akissut:

Pisinnaatitsissutip atorneqarnissaanut piffissalersuinermut apeqqummi Inatsisartut inatsisaanni maanna atuuttumi § 18, imm. 2 naapertorlugu, kommunalbestyrelsiniq susassaqartunillu allanik oqaloqateqarnissat, aqutsinikkut iliuussisani pineqartuni tunngavigineqartussatut naatsorsuutigineqartut pingaarnertut

apeqqutaapput. Tamatumunngalu ilassutitut oqaatigineqassaaq ornigulluni ilitser-suisarneq tassaammat kommunit pisussaaffigisaat, aalajangersimasumik Majori-amit isumagineqartartoq, oqartussaassuseqarnikkullu Isumaginninnermut Suliffe-qarnermullu Naalakkersuisoqarfiup ataaniittoq. Naalakkersuisut oqaloqateqarn-ernik pineqartunik aallartitsiniarput siunnersuutip naammassillugu suliarineqa-reernerani. Taamaattumillu pissutsit maanna atuuttut aallaavigalugit ajornarpoq piffissami matumani piffissalersuissalluni aalajangersakkap atorineqarnissaanik.

Tusarniaanermi akissutit:

8. Qitiusumik Ilinniarfiit Ataatsimut Siunnersuisoqatigiiffiat Sulisitsisut peqa-tigalugit tusarniaanermut ataatsimoorussamik akissuteqaammi nalunaa-rutigivaat, siunertamut tulluuttuussasoq allannguutissatut siunnersuutip § 10 imm. 4-mi atorfininnermi ilitser-suisutut ilinniagaqarnermik aallarereer-simanissap piffissaliilluni killigititap tamakkiisumik atuuttunngortinneqas-sasoq. Piffissaliilluni killissarititap iluaqutaannginneranik Naalakkersuisut isumaqarnerat pillugu ataatsimiititaliap nassuiaat itisiligaq kissaatigaa.

Akissut:

Nalunaarneqartumi pineqarpoq aalajangersakkami oqaaseqatigiit aappaat, tas-sanilu ersilluni Naalakkersuisut ilinniartitaanernik ingerlatsivimmiit qinnuteqar-toqarnera tunngavigalugu pisinnaatissinnaagaat ilitser-suisarnerit inummit ilitser-suisarnikkut allatut ittunik piginnaaneqartumit ingerlanneqarsinnaasut, ilitser-suis-artoq pineqartoq Naalakkersuisut akuerisaannik ilinniakkamik aallartitsisi-mappat imaluunniit pissamaaruteqarpat ilinniartitaanernut ilitser-suisartutut ilinni-akkamik ingerlatsinissamik. Tusarniaanermi akissummi eqqaaneqartumi ersip-poq aalajangersakkamik allaffissornikkut atortitsineq oqilisarneqarsinnaasoq, aalajangersakkamik sanioqqutsisinnaanermut periarfissaq ataatsimut nalingin-naasutut atortuutinneqalerpat, piffissaliinikkut qaqugukkut ilinniartitaanernut inuussutissarsiutinillu ilinniartitaanernut ilitser-suisartutut ilinniarnaq aallartinneqa-reersimassasoq, sulisuusup atorfimmi sulilerneraniit isigalugu.

Aallarniutigalugu oqaatigineqassaaq aalajangersakkap oqaasertaani ersimmat aalajangersakkamik sanioqqutsisinnaaneq taamaallaat atorineqarallarsinnaasoq, tamannalu nammineq piffissamik killiliinermik kinguneqarpoq.

Ilanngullugulu nalunaarutigineqassaaq aalajangersakkap sanioqqunneqarsin-naaneranik aqutsineq aalajangersimasumik ileqquliunneqartussaannngimmat, suliassat pisariillisarumallugit, kisiannili pisuni namminerni ataasiakkaani suliassassalluni. Nalilersuisinnaanermik pisussaaffeqarnermi taamaallaat aala-jangersakkap saneqqunneqarsinnaaneranik naliliisarneq pineqanngilaq, kisiannili aamma sanioqqutsisinnaanerp piffissalersugaanera.

Taamaasillunilu aalajangersagaq piffissalersuisarnermik ilaqartinneqanngilaq, ta-matumalu qularnaartussaavaa pisuni namminerni qinnuteqaatinik ataasiakkaanik nalilersuisarneq. Tamatumani siunnerfiuvoq akuersissuteqartarnerup isumami-neertumik pisartunngortinneqannginnissaa, piffissalersuinermillu tamatumuuna pisariaqanngitsumik atuisoqannginnissaa. Oqaasertalersuinerup maanna atuut-

tup ilutigisaanik pissutsini aqukkuminaassinnaasuni pinngitsuuniarnermik naapertuilluanngitsunik aalajangiisoqarsinnaaneranik siunnerfeqarpoq, eqaatsumik periarfissaqarnissaq tamatumunnga atatillugu pisariaqarpoq, qularnaarumallugu “naapertuilluarneq” annerusoq imaluunniit suliani ataasiakkaani tulluurtunik periaaseqarneq.

Inussiarnersumik inuulluaqqusilluta
Med venlig hilsen

Peter Olsen
Naalakkersuisoq